

續資治通鑑

八

宋徽宗一
經進

宋徽宗一

建中靖國元年春正月朔有流星光燭地自西南入尾抵
正星是夕有赤氣起東北方且西方中出白氣二將散復有黑
氣在傍任伯雨言正歲之始建寅之月其卦為泰年方改元時
方孟春月居正首日為壬戌是陛下本命而赤氣起於暮夜之
幽以一日言之日為陽夜為陰以四方言之東南為陽西北為
陰從五色推之赤為陽黑與白為陰從事推之朝廷為陽官禁
為陰中國為陽夷狄為陰君子為陽小人為陰德為陽兵為陰
此皆禁陰謀下干上之證也漸衡正而西散為白而白主兵此
夷狄竊發之證也陛下以災異為警戒不可不深思遠慮○范
純仁堯口占遺表勸上清心寡慾約已便民絕朋黨之論察耶
正之歸毋輕議遷幸易遂言官辨明宣仁誣謗略曰若宣仁之
誣謗未明至保祐之憂動不顧皆權臣務快其私忿非泰陵實

謂之當然上聞訃痛悼謚曰忠宣○皇太后向氏崩追尊太妃
陳氏為欽慈皇后○以趙挺之為御史中丞時曾布與挺之俱
在大石陵下布諭挺之建議紹述以合上意挺之自此擊元祐
舊臣不遺餘力而國論一變矣○行入稟補官法○二月以呂
希純知瀛州時賢士大夫經紹聖貶責者稍稍還朝曾布忌希
純故出之○兩電○任伯雨累疏言陛下即位時草博籩前異
議乞正典刑蓋言端王浪子爾遂貶雷州司戶自雷二移睦越
湖州崇寧四年卒初蘇軾責雷州不許占官舍遂僦民屋而博
以為強奪民居下州追民究治及博責雷州亦問舍于民民曰
前蘇公來為章丞相幾破家今不可也○襄隄州○解任伯雨
言職○夏四月辛卯朔日有食之○復宗學○五月朔大雨雹
○華欽聖憲肅皇后崩遺詔皇后柩祔裕陵○六月集禧觀火○
右司諫陳祐前後上章論曾布不從詔言職通判滁州○范純
禮剛正數以言事忤上意而曾布之逐出知穎昌府○安

君父上則欲固位而換私歸下則欲希進而肆朋附併為
談卒不可破彼自為謀則善矣未嘗有毫髮為朝廷計也當熙
寧元豐間內外府庫無不充衍自紹聖元符以來傾府庫竭倉
廩以供開邊之費願陛下罷無益之人厚公私之積早計而預
圖之則天下幸甚遂自知樞密院出知河陽府○蘇軾卒于常
州吳越之人皆咨嗟山澤載饗善詆惡蓋其天性見義勇為不
顧其害用此數困終不以為悔乾道間詔贈太師諡曰文忠○
八月陳瓘罷瓘奏言臣嘗乞別修神宗實錄以成一代之典而
不聞施行蓋紹聖史臣今為宰相故也不報時瓘兼權給事中
曾布將為之即真或以告瓘瓘曰吾與布議事不合若受其薦
進而復爾異同則公議私恩兩有魏矣至是瓘詣政事堂以書
見布曰專私史而壓宗廟緣邊費而壞先政此二者閣下之過
也布謂瓘所論為元祐單見淺聞之說瓘遂申三省乞劾妄言
之罪遂出知秦州○中書舍人傅堯俞曾布自以為揖有汲引
恩冀其助已攝歸然守正凡命令不當必極言之又嘗論救王

古克純禮布滋不悅出知亳州○晁補之罷管師仁謂蘇轍皆
深毀先帝而補之庭堅曾其門下士不可聚於朝出知河中府
○六月李清臣罷清臣與曾布有隙每於上前互相詆毀諫
官陳祐論布過失上以祐與清臣交結欲黜布而接清臣御史
彭汝霖遂承望風旨果論清臣之奸清臣不自安出知大名○
十一月復平淮務○庚辰郊祀合祭○禮部尚書豐稷罷先是
上諭曾布詆毀神考第一是豐稷其次張舜民而稷又言近日
建宮以寧神營寺以崇考復置御前生活以供內庭之用而外
議不曉竊謂好修造尚華美稷所陳大抵以崇儉愛人為言至
君子小人之際必反覆究切既數以論事忤權近出知蘇州○
十二月邢恕呂嘉問路昌衡安燾等序廢禁下並復官觀尋與
郡召張商英赴闕

言紹述熙豐之政者蓋欲遂元祐之正人爾元祐正人如呂
希純任伯雨陳祐陳瓘豐稷江人望鬼補之范純禮等時相
曾布憚之各各斥去正人既去而邪人得以肆行其志紹聖

佞人邢恕安博復得進用於朝由王安石曲學偏見佞人邪
黨至今滿布朝廷而贖成靖康之禍者良有以也

河東地震○是歲遼主洪基死孫延禧立洪基將殂戒其孫延
禧曰南朝通好歲久汝性剛勿生事又戒大臣曰嗣君若妄動

當力諫止延禧即天祚也○女真阿骨打有

崇寧元年春正月河東太原路晉陽代石嵐寄嵐威勝保

化寧遠等州地震彌旬晝夜不止壞城壁屋宇人畜死者甚衆

詔官給瘞真優恤死傷之家○二月以蔡確配饗抗宗廟庭○

趙諗謀起兵據蜀事覺伏誅○太妃朱氏薨追謚欽成皇后○

三月命內侍童貫知杭州監造御前生活○夏五月詔應被受

傳內降特旨並許三省契勘若有戾祖宗格法可明具奏更不

施行○韓忠彥至都堂左司諫吳材右正言王能甫以狀申忠

彥云已具論奏乞罷免論奏大臣因緣為姦變神考之法逐神

考之人才前有司馬光呂公著後有韓忠彥李清臣此四人罪

同惡均光與公著嘗被追貶清臣已係沒亡忠彥據位若令善

去何以為姦邪之警遂出知大名○諫官彭汝霖等共議以光

為元祐人罪狀有貶籍具在昨元符末叙復太優曾布用其說

具姓名以進乃詔司馬光呂公著文彥博呂大防梁燾范純仁

劉摯王巖叟王存傅堯俞鄭雍以下四十四人各奪官有差惟

韓維孫固以神考潛邸舊臣得免尋詔毀范純仁神道碑○詔

元祐并元符末今來責降人除韓忠彥曾任宰臣安燾係前任

執政官王翺豐稷見任侍從官外蘇轍范純禮劉奉世范純輝

劉安世賈易呂希純張元孫陳次升韓川呂仲甫張秉歐陽棻

呂希哲劉唐老吳安詩黃庭堅黃隱畢仲游常安民劉當時孔

平仲徐常王鞏張保源范補之商倚張厚誠謝良佐韓跋馬宗

陳彥默李祉陳祐任伯雨陳郭朱光齋蘇嘉猷劉晁曾君貺

陳瑾龔夬○衍余奕湯麟程順朱光庭張巽張士良曾壽趙約

譚衣錫傅陳伯張琳張玘臣凡五十餘人並令三省籍記不得

與在京差遣○葬欽仁皇后於陵○曾布罷布初用王安石

石薦上前所言皆安石所為也○法皆布與呂惠卿

建議布又上書欲上專任安石以刑罰督制天下使無敢言哲
宗親政宰相章惇托紹述以快私忿布贊之甚力惇與大獄無
能救解或陰擠之惇遂而布總右揆欲以元祐兼紹聖而行故
遂蔡京至崇寧初知上意所向又力排韓忠彥而專其政引京
以自助京大與布異會布擬陳祐甫為戶部侍郎祐甫之子迪
布之愛婿也京奏布以爵祿私其親布忿辨父之聲色少厲上
不悅御史錢適言布援元祐之姦當褫紹聖之忠良遂出知澶
州尋落貶太平州居移潭州言者不已詔置獄開司而府尹呂
嘉問執宿憾逮布諸子煅煉窮治由是曾紆曾繼等一百五人
坐責有差降布為廉州司戶依詹衡州安置後六年卒○竄鄒
浩初劉后為賢妃生子時中宮虛位后因是得立然纔三月而
薨蓋獻慈太子后之立也浩三疏諫隨削其美尋得罪敗上初
即位召浩還朝首及諫立后事褒嘆再三詢諫事安在對曰焚
之矣退告陳瓘瓘曰禍其在此乎異時姦人妄出一編不可辨
矣及蔡京用事使其黨為偽疏謂官人卓姬生子后殺其母

而取之詔悉其事安置永州浩母張氏絕賢浩之為諫官也恐
貽親憂欲自斃母曰兒能報國何憂○中書
省發會李清臣嘗有劾子言○天資推仁厚未嘗有過失
及章惇為相開導以殘忍之計或謂諫官宗廟或稱謀危
上躬受禍者一十餘家凡士民有恃味言語加以按劾手足利
割皮膚斬頭拔舌之刑至於道路以目不敢偶語者有誤聖時
有傷和氣也詔賜武安節副○言者論豐稷張舜民元符末辭
讓言官上表皆讓刺先朝於是並責授散官睦州商州安置○
秋七月詔遷省寺監外監司郡守並三年成任○蔡京自尚書
左丞起拜右僕射則京坐延和殿上曰昔神宗創法立制中道
未究先帝繼之而兩遭彘惟變更朕欲上述父兄之志今朕相
卿其將何以教之是時四方承平皆廣為豐亨豫大
之說視官為財物如糞土累朝所儲大抵掃地矣上嘗出玉盞
玉卮以示輔臣曰朕此器久已就廢人言故未用爾京曰事
苟當於理多言不足畏也

道哉。置講議司命蔡京提舉

自曾布罷相而相位闕者踰月時知樞密院蔣之奇闕下侍郎許將皆應以補而乃驟用蔡京天下之亂始於此矣

焚元祐法。竄張耒以向者聞蘇軾身亡出已俸飯僧編素而

失言者以為軾黨詔責吳州別駕黃州安置。言者謂置春秋

士非神考意詔罷之。八月置安濟坊以處民之有疾病而

無告者置居養院以處鰥寡孤獨。復紹聖役法。論變法罪

貶徐彥亨等十一人降官落職有差十月劉奉世等二十七人

皆坐垂簾之際黨與變法並罷所居官宮觀。上以元符末群

臣所上書疏付蔡京京以付其子攸與其客強俊明乘慶得者

詳第為正上正中下邪等尤甚邪上邪中邪下七等計五百

八十二人詔中書省籍記姓名又以元祐籍籍并元符未叙復

過當之人凡一百一十九人御書刻石端禮門

文臣曾任宰相執政官文彥博呂公亮司馬光呂大防劉摯

范純仁韓忠彥王珪梁燾王巖叟王存鄭雍傅堯俞趙瞻

韓維孫固范百祿胡宗愈李清臣蘇轍劉奉世范純禮安

燾陸細
曾任待制以上官蘇軾范祖禹王欽臣姚勗顧臨趙君錫馬

默孔武仲王汾孔文仲朱光庭吳安持錢勰李之純孫覺
鮮于侁趙彥若趙鼎孫升李周劉安世韓川賈易呂希純
曾肇王觀范純粹王畏呂陶王古陳次升豐稷謝文瓘鄭
浩張舜民
餘官秦觀湯敏杜純司馬康宋保國吳安詩張耒歐陽棐呂
希哲劉唐老晁補之黃庭堅黃隱鼎仲游常安民孔平仲
王鞏張保源王銜余奕鄭使常立程頤唐義問余卞李格
非商倚張庭堅李祉陳祐任伯雨朱光裔陳鄂陳瑾蘇嘉
龔夬呂希績歐陽中立吳儂呂仲庸徐冲劉世中時馬琮謝
佐陳彥默劉世中曹君觀韓跋
張士良曹巖趙夙譚長王惟陳頌張琳張夢臣
王獻可張巖李漢明

尋詔黨人子孫有官無官並不許到闕又詔宗室不得與黨人
 子孫及有服親為婚姻二年八月詔以御書元祐姦黨姓名頒
 天下監司長吏大立石刻記時有長安石工安山民當鐫字辭
 曰民愚人固不知立碑之意但如司馬相公考海內稱其正直
 今謂之姦民不忍刻也官府怒欲加罪泣曰被役不敢辭乞免
 安山民二守於石末恐得罪於後世聞者愧之二年六月重定
 元符黨通入元祐黨率執司馬光侍從蘇軾餘官秦觀以下及
 上書邪等合為一籍通三百九人書而刻諸石詔置文德殿門
 蔡京自書為豐碑頌之天下餘並出籍

洛黨以程頤為領袖朱光庭賈易為羽翼
 川黨以蘇軾為領袖呂陶等為羽翼

朔黨以劉摯梁燾王巖叟劉安世為領袖羽翼甚眾

兵部尚書劉拯上言漢唐失政皆自朋友始今日指前日之人
 為黨焉知後日不以今日為黨乎大抵人之過惡自有公論因
 其論之輕重以正典刑誰不悅服何必悉拘於籍而禁錮之哉

蔡京大不懌風臺臣劾之出知鄭州○招陝西河東弓箭手○
 蔡京言茶馬司將川交子通入陝西民已取信今欲造三百萬
 貫令陝西與監鈔兼行從之○冬十月蔣之奇罷○建外學於
 國南以待四方之士賜名時雍○十一月置兩京宗正司○十
 二月論棄遼州罪再貶韓忠彥九人○蔡京言十三山場茶慶
 曆以前歲收五百餘萬今歲入不過八十餘萬欲復行禁榷令
 客人於在京確貨入納請長短引赴諸場受茶販易明年置淮
 浙路茶場

宗寧二年庚正月辰沅州蠻納土○論任伯雨等詆誣先
 朝罪戾伯雨及陳璘龔夬馬涓陳耘李深張庭堅江公望鄒浩
 王觀豐稷陳次升謝文耀張舜民等一十四人○以蔡京為左
 僕射○二月尊元符皇后為太后○詔立殿中監尚食尚藥尚
 醞尚米尚輦凡六局○陳璘奏黃庭堅撰荆南承天院記曰天
 下之善人少而不善者多士者之刑賞以治其外佛者之禍福
 以治其內則於世教豈小補哉而為佛者欲合而軌之是何理

也言涉謗訕竄宜州。內侍郝隨復以修內司進用於是繕修大內及諸司庶府景靈宮工役大作。三月親試舉人賜霍端友以下五百餘人及第有差。復市易務抵當庫。夏四月毀元祐黨人文字唐鑑蘇黃等集。編程頤學泮行誦聲警世俗。近以入山著書竊意妄及朝政詔除名所著書令監司嚴切覺。六月廢內侍減資法。鑄當五錢。六月中大一宮火。王厚童貫復湟州。詔母以戚里充執政。張商英言蔡京姦邪志在逢君中丞石豫等以為商英非所宜言自左丞出知亳州入元祐黨籍。九月置醫官。定選階。蔡京乞令諸州置崇寧觀寺從之。立考課法凡三十條。冬十月置湟州茶馬司。十二月詔見行新法如茶鹽香市易錢法學校邊事文字許直達尚書省。上留意西邊欲復鄯鄯以王厚童置招納高永年為統制置邊事司專命二人主之命童貫為監軍。開通明河自真至泗二百餘里。是歲高舉主顯死。崇寧二年春正月加邢恕官先是上諭宰執曰涇原弓箭

六三五年十一月

志懷怨奉法可賞遷一秩。魏漢津者年九十餘。成文大角鼎星祠初漢津議前名以真八方曰蒼曰彤曰晶曰審曰魁曰章曰壯曰風凡八而中曰帝籙皆以九州水土納鼎中及奉安翌日上幸九成宮酌獻至北方曰寶鼎者忽漏水溢于外蓋寶鼎取土於雄州界劉炳謂非燕之正方或者其謂是乎當時尤以為神其後終於北方致亂。二月置漏澤園。兩電。三月置文繡院招刺繡工三百人。令諸州築園土以君強次畫則役夜則拘之。夏四月幸金明池。復鄆州鄆州戶儀兵刑工為六曹。六月置諸州學。置書畫學。秋七月復方安石配饗孔子。增置諸州學。置書畫學。秋七月復方田。九月童貫王厚賜京師。秦鳳招討司言階州生蕃納土得邦滿疊三州所奏。先死於延又死於

石配 王去 州

原至是又引大軍直犯鎮戎趨渭川畧數萬口而去既而又遣
渭州蕃落兵士持糧抵鎮戎軍城一斥責京下弄權故京下必
欲舉兵討之實因此激也○冬十月朔大雨雹○定朝制復翼
祖宣祖○十二月幸太學及辟雍○罷發解試取士必由學
授升貢○丙申郊

○崇寧四年春正月以童貫為熙河等路經畧安撫制置使
○二月中書省請擇公卿子弟執戟以衛軒墀遂命置三衛郎
中郎親衛郎中郎勳衛郎中郎翊衛郎既又改三衛郎為三衛
侍郎○兩電○閏月詔河陝諸路各置招納司○三月置青海
馬監○以趙挺之為右僕射挺之為門下侍郎奏曰今內外皆
大臣之儻若以忠告於陛下者乃指為懷異議沮法度此大臣
恐人議已之私欲以杜天下之言爾又以私恩陰結衛士增侍
立食錢皇城巡鋪增月給錢又因小醜授降請上登樓受之如
南郊例支賞此皆京用私恩以牢籠士卒爾願陛下深察之乃
有是命後京與挺之爭權挺之屢陳京毒惡力請補外而上不

崇寧五年

未允○西羌溪餘羅撤居臨哥城誘夏國一寇迫宣威城下秦
隴右都護高永用劉仲兵發兵禦之仲武大敗永年帳兵皆所
招蕃部執永年以叛為溪羅巴所殺妻勝犯熙河城揚惟
忠募敢死士接戰殺其囚而還○呂惠卿致仕○夏四月遼使
來言朝廷出兵侵夏今大遼以帝妹嫁夏國主請還所侵地蔡
京謂虜書悖慢京草劄書言甚峻上令易之曰夷狄當示包容
今西邊方用兵北虜不宜開隙○五月林樞報聘○六月陶節
夫罷經畧五路○梁子美將潛河北領增計以市龍至用二百
萬緡市北珠以進者召為戶部尚書○蔡京謂汴都無險請置
四輔郡以頴昌為南輔以襄邑改輔州為東輔以鄭州為西輔
以澶州為北輔各屯兵二萬以侍從官為之後四路總管皆京
之門人○八月作大晟樂○置番學於熙河蘭湟路○制正天
使遼林樞使遼而失虜情故虜使繼來正夫對敵博與北人
議皆如約上嘉之

○崇寧五年春正月崇寧出西人其長寬天求直言大赦○

遂為中書侍郎勸上碎元祐黨碑寬上書係籍人禁及悉罷蔡
 京所造乃詔中外直言闕正夜半遣黃門至朝堂毀石刻翌日
 京見之厲聲曰石可毀名不可滅始上見星變省懼深察京之
 姦除黨人一切之禁罷方田及諸州歲貢六尚物尋又罷沿邊
 諸路科斂罷鑄當十錢省非衝要觀新置市易務罷諸路提舉
 鹽香藥茶學事實木水利等司市易官罷提舉保甲文臣差武
 臣提舉仍兼提刑復在降人官諸從者盡還之園土書畫等書
 學三衛官以次並罷○二月蔡京罷未幾京令其黨進言於上
 以為京改法度者皆稟上旨非私為之若學校大樂等數事皆
 是紹述神考美意余一切皆罷悉非紹述之意於是上乃復學
 校教官及香鑾司官又復大樂府復有用京之意矣○以趙鼎
 之為右僕射挺之入對上曰蔡京所為皆如卿言挺之因言京
 援引私黨布滿朝廷又建四輔非國家之利上曰行且罷矣又
 曰天久旱今京去而雨可喜○三月親試舉人賜蔡堯以下六
 百七十餘人及第出身有差○遣使來為夏人請地上曰先帝

已書封疆今不復議若自崇寧以來侵地可與之○詔以蔡卞
 深得王安石淵源之學加禮泉觀使兼侍讀卞奸邪紹聖以來
 竄斥善類皆卞密遣劉摯請哲宗親批付外行之而元符中卞為
 之丞託繼述之說迷惑主聽皆卞為之卒於政和七年○六月
 詹不遠罷右正言不遠論家安國不當獻議移尚書省人言蔡
 京欲作第上曰寧有此耶然鄭居中又中朱諤嘗請留京賜第
 又中且云寧特扎荒爾而以罷京不早還相天將動威當復有
 大雷電之怒此語殆驗朕與其請之必從朕容以天變未久遽
 復相京天下謂何賜第當議上又曰比聞中外有三不可之說
 謂法度不可變劉達不可用蔡京不可罷朕得之休惕不寐者
 數夕不遠曰京之誤國陛下所知也達不知何故不可用上曰
 如碎掌八石刻寬上書係籍人禁中達首陳方何不可用不遠
 曰必有嫌達若達用在陛下言京不可不去上默然尋詔不
 遠皆遷開元知興化軍○夏人請款○八月歲滿解○十二
 月劉達罷

大觀元年春正月以蔡京為左僕射。二月以學校三舍升貢次第著為令。諸生自願養教升之州學。州學教養分為三舍。自外舍升為內舍。內舍升為上舍。貢之辟雍。自辟雍登太學。俟殿試命以官。三月趙鼎之罷。立八行舉士科。四川改行錢引法。六月建德祖殿于景靈宮。京師大水。河北京西河決。秋七月伊洛溢。蔡京諷言官論劉達妻兄章鋌奸。盜敗官倚遠勢盜鑄往來貿易捕鋌下獄。竄海島。中書省言宗寧五年上書觀望者五百餘人。禁中悉以焚毀。內擇其情重者。實李景直曾縱黃宰方軫四人。程順卒。順宗寧中遷居龍門之南。止四方學者曰尊所聞行所知可矣。不必及吾門。願兄顯嘗言異日能使尊嚴師道者吾弟也。若接引後學。隨人才成就。則予不得遜焉。其後朱熹論之曰。明道德性寬大規模廣闊。伊川氣質剛方。文理密察。其道雖同。而造德各異。辛亥大饑。明堂奉神宗配。冬十月蘇州地震。大雨雹。閏月鄭居庸同知樞密院。蔡京之再相也。居中有力焉。居中責報京薦之。

宋史卷一百一十五

○太廟齋部方軫上書言左僕射蔡京睥睨社稷。內懷不道。專以紹述熙豐之說為自媒之計。內而執政侍從。外而帥臣監司。無不其門人親戚。京每有奏請。盡作御筆行出。又語人曰。京實言之也。善則稱已。過則稱君。必欲陛下斂天下之怨。而後已。軫又言。毀元豐所造尚書省。謂之紹述可乎。又建四輔郡。遣門人為四總管。又建方田法。欲擾百姓。而鹽法朝行夕改。客鈔遂為故紙。元符末上書之人。分為邪等。熙豐編置。則誰肯為陛下言哉。又遣子攸日與陛下遊。或以花石禽鳥為獻。欲使陛下不知天下治亂也。陛下安可愛。國賊而忘社稷之重乎。詔宣示京。京言。人臣無將。有必誅之刑。告言不實。有反坐之罪。望付有司。命治御史獄。軫頓首謝。十一月壬子朔日。有食之。十二月置贖南。贖銀千里塞外。以納土時。雖建城寨。而其地荒瘠。兵守或戍。有死亡無賊。可入皆鞏內。地金帛輸之。二年始知開邊。地實知桂州王祖道妄誕之言。京附和之。乃追貶王祖道。京死。河清輸八百里明。

年以乾寧軍為清州○廣州西

大觀二年春正月朔御大慶殿受八寶乃赦○蔡京表賀

祥瑞

京等表賀甘露降侍忠賜瑞芝瑞草所奏竹生紫花黃葉必開楓
枝連理御筆曰昨日仙鶴三萬餘隻盤旋雲霄之上言又奏
有仙鶴數萬隻蔽空飛鳴又奏建州竹生花結成稻米入
城市貨糶所收數十萬碩又奏懷縣生瑞穀安化縣生芝草
都計五萬本汝州生碼碯山子一百二十坐及諸州雙頭蓮
連理木甘露降仙鶴集雙爪雙頭芍藥牡丹凡五千三百種
有奇拜表稱賀又言冀州黃河清汝州牛生麒麟六十二頭
降甘露二十頭木皆連理二頭祥雲現三頭見毫光祥瑞手
詔云金芝產于良嶽萬善峯宜改名壽嶽蔡京導主上醅好
祥瑞而李德以竹釘豎芝草於蟾蜍背以獻及至一夕而解
故釘猶存梁子野進嘉禾則以膠粘紙纏皆不之罪范齊詐
稱牛生一物今已被村民壞了切慮即麒麟也程祈言扶邦

彥家收得異禽恐鳳凰也此等無根之語不可勝數天大雨
雪都城平地八尺飛鳥盡死九街水滑人馬莫行臘月之雷
京等指為瑞雷三月之雪以為瑞雪表稱賀作詩諷贊災
異不書其視天變曾不若童觀之可憐盡本安石之言謂天
變不足畏噫自古物以罕見為奇豈有芝草五萬本為仙鶴
數萬隻竹生米數十萬碩以為祥瑞此等誣誕之語君臣同
為誣罔豈不貽笑於後世哉

蔡京進太師○童貫加武康節度使河等路宣撫內臣建節始
於此五月加檢校司空易鎮秦軍貫由此恃功稍專軍政選置
將吏皆取中旨不復關朝廷矣○河東北盜起○二月置諸州
曹務官○建徽獻閣飛松宗御集○二月遣內侍譚稹使舒江
滁揚等州○夏五月庚戌朔日有食之○童貫遣統制官辛叔
獻領兵復泚州又克溪州○童貫遣統制官辛叔獻領兵復
奏至百官稱賀以玉帶賜童貫○童貫為故事○六月瀘
南夷納土詔以悉珍州○童貫為故事○六月瀘

并湖北辰靖州諸蠻及涪州夔州南平軍夷人並納土幅貢二萬九千餘里蔡京衣賀○置保用敷宗院以勳翼祖後宗室也
任氏為昌州盧氏婦夫死十年夫之別居親兄強通之任不能制自破其陰以死獄上封旌德縣君○冬十月以石公弼為御史中丞○十二月葬請和皇后

大觀三年春三月上親試舉人賜賈安宅等七百餘人及第出身有差○詔中外官制改申明衛改御筆勳分者以大不恭論○孟翊為學官有古學而精於易嘗與京言本朝火德應微有再受命之象宜更變庶事以厭之不然期將至矣未幾於文德殿進一軸卦象如平日所言上大不樂乃竄翊遠方○

六月蔡京罷京專國日久公弼等交論其姦上亦厭京遂罷為太一宮使初上為端王時太史句有郭天信者言王當有天下及王即位言驗得寵每奏天文必有指陳以撼京密白日中有黑子上為之恐乃疑京故罷至冬京致仕仍朝朔望大朝會許立宰相班以何執中為左僕射太學生陳朝老上書言陛下即位以來五命相矣有若韓忠彥之庸懦曾布之污濁趙鼎之

憊愚蔡京之跋扈今復相執中何為若耶是猶以蚊負山也○夏六月至冬十月不雨江淮大旱○冬十月大雨震電○甘露降尚書省

大觀四年春二月蔡熾頂煉臂自毀者○張商英入對除太一宮使○陳瓘之子正彙詣杭州告京有反狀知杭州蔡制獄權尹李若壽使吏脅瓘使教正彙妄訴京罪貶瓘通州流正彙沙門島○夏五月傳給使已變熾三年○改宏詞科立詞學兼茂科○有星孛于中官長數六始出王良造父間遂登閣道逆行入紫宮幾通掃垣內○庚巳退儀又進掃帝座者焉前後二十餘日乃滅京直言大赦

星變莫甚於此掃帝座者再見漢金人地帝闕者再見若若詔蔡京擢重位高人變言變全不引避公議不容降授太子太保致仕任便居任○六月以張商英為右僕射時父早是也

保致仕任便居任○六月以張商英為右僕射時父早是也

兩上書商霖二大字賜之○秋八月省冗官○石公湖上疏言
自崇寧以來任事之人專務僥功倖賞開邊則招納無窮修造
日廣民力凋瘵飢疫相繼死者過半輓運花石蒞廢農業黔南
之役湖廣蕭然上天垂戒寧不在茲願息民以承天意何執中
等毀之遂自兵部侍郎出知揚州○閏月以張閣知杭州兼領
花石綱先是有朱勛者因蔡京以進上頗垂意花石勛初才致
黃楊三四木上已嘉之後歲歲增加遂至舟船相繼號曰花石
綱專置應奉局於平江指內帑為囊中物每一發輒數百萬搜
覈剔藪幽隱不置雖江湖不測之淵力不可致者百計出之名
曰神運凡士庶之家有一石一木之妙者悉以黃帕覆之指為
御前之物不問其用之與否必移置於中○張閣以巨
艦輓以千夫鑿河斷橋毀堰折開數月方至京師一花費數千
緡一石費數萬緡又即所居創一園林擬之勝氣於二浙後
復取旨建神霄殿塑青華帝君像其中監司郡守初到必朝謁
焉○九月丙寅朔日有食之○罷荆增寺觀額○冬十月立貴

妃鄭氏為皇后○十一月丁卯郊○張商英謂編熙寧元豐事

號皇宋政與詔就尚書省置局商英謂蔡京以紹述為名但劫
制人主禁錮士大夫爾故作政與以黜其妄

政和元年春正月毀京師濶祠○夏四月張商英罷商英
入相不知平心用人故侍從臺諫爭設智以陷之會上眷亦衰

言者乞逐商英乃除觀文殿學士知河南府未幾落職知鄧州
至冬張克公又論與郭天信交通漏出省中語下開封獄具冬

十月寬商英於衡州宣和二年卒於京南○秋九月鄭允中童
貫使遼蔡京在杭聞貫出使亟附奏貫威名既傳宜深藏之使

莫測可也奈何遽遣出疆上報京曰屬主欲識其面因遂覘之
不亦可乎貫至虜庭其君臣相聚指笑曰南朝人才如此歸至

盧溝河有燕人馬植得罪於燕無所容遂見母陳滅燕之策因
携歸改姓李名良嗣薦于上遂賜姓趙復燕之議始於此○再

竄陳瑾先是王安石嘗著目錄八十卷瑾初謂安石此書詆訕
宗廟及瓊貶廉州乃著食滄海集以目錄詆訕之罪歸于蔡

下後又著四明尊堯集痛絕王氏以發揚熙寧用舍宰臣本未
之緒而自明區區改過之心書成藏于家至是何執中請治尊
堯集詆誣罪勒停台州羈管尋移楚州

政和二年春二月蔡京復太師賜第京師四月燕蔡京內
苑五月京落職致仕赴都堂議事三日一至都堂○三月親試
舉人賜莫倚以下七百餘人及第出身有差○罷鬻官田○五
月利州路轉運副使張臣獻羨餘三十萬緒為言者所論尋除
名寘池州○罷科舉○秋八月焚元祐制詞○九月改官名以
太宰少宰易左右僕射○十一月戊寅日南至御大慶殿受元
主大赦內臣譚稹經營河東邊事至晉州得異物於民間似石
非石似銅非銅長尺餘闊寸餘厚二三分色赤黑首末素質中
有古篆籀文其上兩傍橫出兩尖如雲氣之狀莫知何物也積
歸以進蔡京京見之謂此為元主即天錫禹者晉堯所都也於
是行朝會禮受主於正殿○蔡京進封魯國公何執中進少傅
改太宰仍兼門下侍郎○行給地牧馬法受田一頃仍蠲其稅

令牧馬一匹諸路至九萬匹○禁史學

政和三年春三月王安石追封舒王尋詔封其子雱為臨
川伯從祀廟庭○二月崇恩太后刘氏暴崩后負其才每曰章
明庸大誤矣何不裹起幘頭出臨百官上嘗謂蔡京曰朕前
日大病那箇便有垂簾意那箇者謂后也又曰朕不得不開防
使人當殿門與之劍若非宣召勿問何人入門者便斬之至是
后以不謹無疾而崩死之日天為黃霾異常始事覺上諭輔臣
以后不謹且重曰不幸京曰宮禁比修造多凡事失防護上有
此等且古今自有故事不足煩聖心憂悶何執中忍境連曰不
后左右願陛下多置人侍奉以輔人女子加之恐懼萬一不真
則陛下不可負錢嫂名也上憐然因曰不欲即此决之魂甚不
卿來議晚果促召輔臣既入從議持錢之而太后已崩蓋為左
右所逼自即藥約而縊焉上曰孟已寢今業恩已疑則泰寧
無配矣會其已崩故掩其事云○恩後言○二月壬子朔日百
食之○夏四月玉清和陽宮成即三聖宮繼聖之也作宮至是

成奉安道像上詣宮行禮七年改為玉清神霄宮時道教之盛
自道士徐知常始賜號冲虛先生徐守信賜虛靜先生劉混康
賜德真觀妙冲和先生後並贈太中大夫○置俊選士改內外
宮為之○赦梓夔路以築漆椿等八州畢也是歲南平夷戎州
保州夷各納土○置議禮局訪求古禮器又詔言禮當追述三
代之意開元禮不足法至是書成乃頒五禮新儀于天下又置
禮制局討論古今宮室車服冠冕之度冠昏喪祭之則○閏月
改公主為帝姬易國號以美名二字兩國者以四字郡縣主為
宗姬族姬○五月葬昭懷皇后○秋七月頒新燕樂此樂乃古
社角招君臣相悅之樂也先是并制匏笙埙篪八聲始備詔頒
焉○貴妃劉氏薨追謚明達皇后○九月保和殿成乃延福舊
址作殿五楹挾三東側殿曰出光西側殿曰葆光保和之後有
殿曰燕頤兩旁有殿曰怡神曰凝神其楹數如保和總為屋七
十五間上自記之○冬十一月癸未郊上播大圭執元圭以道
士百人執儀衛前導祭倣為執綬官玉輅出南薰門至玉津園

東若有樓殿重複是何處也倣即奏見雲間樓殿臺閣隱隱數
重既而審視皆去地數十丈頃之上一又曰見人物否倣即奏若
有道流童子持幡節蓋相繼而出雲間衣服眉目歷歷可識倣
遂請付史館

政和四年春正月置道階凡二十六等先生處士八字六
字四字二字視中大夫至將仕郎而不給俸重和初別置道官
自太虛大夫至金壇郎凡十六等同文臣中大夫至迪功郎道
職自冲和殿侍宸至凝神殿校經凡十一等侍宸同待制檢籍
同修撰校經同直閣皆給告身○夏四月闕雅樂初闕宗子次
闕太學辟雍諸生量與推恩○五月祭地奉太祖配赦○內侍
揚戩以製樂傳宣之勞加節度○秋八月宣和殿檜生玉芝又
詔有鶴三萬餘隻盤旋雲霄之上並許稱賀○延福宮成記畧
曰乃敞永巷城之西序大興營造增光前烈而徙延福於拱宸
之北宮為南向適得地中殿因宮名以曰藥珠又為之書其亭
曰碧琅玕晨暉榜於春路麗澤榜於秋方真殿則有穆清成平

會寧睿謨凝和崑玉羣玉而蕙馥報瓊蟠桃春錦疊瓊芳麗

三寒香拂雲霞蓋翠葆鉛英雲錦蘭熏摘金之閣居其東繁英

芳雪鉛華瓊華文綺絳葩穠華綠漪瑤壁清陰秋香叢玉扶玉

經雪之閣居其北會寧之比疊石為山而上之殿曰翠微旁為

二亭曰雲歸曰霄嶠其間奇花怪石若壑幽勝宛若生成○改

瑞明殿學士為延康殿學士樞密直學士為述古殿直學士○

女真陷遼國寧江府初遼主天祚賞刑借濫色禽俱荒女真東

北與五國為鄰五國之東接大海出名鷹自海東來者謂之海

東青遼人酷愛之歲歲求之女真女真至五國戰間而後得不

勝其擾二年春天祚如混同江釣魚界外生女真酋長在千里

外者以故事皆來會酒酣使諸酋歌舞為樂阿骨打獨不從天

祚謂樞密使蕭奉先曰阿骨打意氣雄豪當以事誅之奉先曰

殺之傷向化心阿骨打知其意即先舉兵吞併鄰近部族秋集

女真諸部甲馬二千犯混同江之寧江州時天祚射鹿慶州秋

山遣海州刺史高仙壽討為女真所敗失寧江州有黑氣長數

丈出自齋宮行一里許貫於壇壝

政和五年春正月瀘南晏夷叛尋討平之○二月立定王

相為皇太子○以童貫領六路邊事○三月親試舉人賜

以下六百九十二人及第出身有差○夏人寇邊○夏四月建

葆真宮○改集賢殿為右文殿○置宣和殿學士以蔡攸為之

○六月天成聖功二橋成于河陽○秋七月戊辰朔日有食之

○八月建明堂命蔡京為明堂使○竄陳邦光居池州先是邦

光為太子詹事會蔡京獻太子以大食國琉璃酒器羅列宮庭

太子怒曰天子大臣不聞以道德相訓乃持玩好之具蕩吾志

耶命左右碎之京聞邦光實激太子諷言者擊逐之○流星出

柳急流至濁沒赤黃色有尾跡照地占者以為不祥京獨以為

天子宗廟有喜稱賀○浙西水○冬十一月丙麗遣士入學凡

五人明年親策賜四人上舍及第遣歸其國○遼天祚詔親征

女真率蕃漢兵十餘萬出長壽路命蕭奉先為御營都統耶律

章奴副之師至鴨綠江阿骨打與諸其部落曰不若殺我以

諸酋皆拜曰事至此當誓死一戰二面急擊之天祚大敗晝夜
馳五百里退保長春女真乘勝遂并渤海遼陽等五十四州

政和六年春正月以童貫為陝西兩河宣撫○閏月置道
學至重和元年詔州縣學兼養道流增置士名自元士至志士

凡十二品歲大北許禱禱就試宣和二年罷道學○二月上清
寶錄宮成蔡京命童貫等廣延福宮以媚上宮成既跨舊城取

城外地以自名第六位跨城之外浚壕水深者三丈東則景龍
門橋西則天波門橋二橋之

壘石為固引舟相通而橋上人
物自通行不覺也名曰景龍江江之外為鶴莊鹿營文禽孔雀
諸欄多聚遠方珍怪蹄尾動數千寶之又為村居野店酒肆青

於其間歲冬至後即放燈自東華門以北並不禁夜徙市
民行鋪夾道以居縱博臺飲至上元後乃罷謂之先賞後又

之東過景龍門至封丘門時温州林靈素因徐知常得幸於上
託言有天人降云天上有神霄玉清府長生大帝君及其弟清
華大帝皆玉帝之子又有左言仙伯書劄仙吏褚慧等八百餘

官乃謂上為長生大帝君蔡京為左元仙伯而已即褚慧也上
喜又於景龍門對晨暉門作上清寶箓宮宮中山包平地環以

佳木清流列諸館舍臺閣多以美材為之樓閣不施五彩有自然
之勝若江南陳後主三品之石姑蘇白樂天植之檜皆取以實

之又於宮前作仁濟輔政二亭命道士施水藥於民上時登皇
城下視之由是開景龍門城上作護道通寶錄宮以便齋醮之

路上數從橫道上往來未幾則本期門之事矣明年又詔創神
霄玉清萬壽宮於天下以舊天寧觀為之無觀則以寺充仍設

長生大帝君清華大帝君像○修御河新限科免夫錢○廣京
城繕諸王外第○夏四月何執中致仕以太傅就第○以蔡京

總治三省事二日一朝仍赴都堂及輪注逐省治事未幾又令
朝朔望二日一知印當筆○

門下中書侍郎○六月皇太子納妃宋氏○秋七月沅州
土豪叛討平之○築靈武城○

地悉為郡縣矣○

毋為五季變亂裁損之計榜明堂刻石尚書省○八月修玉牒
 屬籍○改走馬承受置廉訪使者○兩浙水○九月詣和陽宮
 上玉皇徽號○增置直徽猷顯謨華文天章閣祕閣集英殿修
 撰為九等○冬十一月詔樞密事令童貫與議○已亥郊○置
 提舉東南九道坑冶官○十二月劄正夫致仕
 自張商英罷相蔡京益變法度居中在右府每為上言之及
 為相四方欣然望治訖不能制京至是以疾致仕正夫既罷
 厥後王黼設國召亂余深白時中李邦彥輩皆鄙夫患失之
 徒而養成靖康之禍悲夫

創公田所以內侍楊戩主之皆按民契券而以禁尺打量其贏
 則拘入官而創立租課謂之公田錢於是大擾農民困弊僅能
 輸公田錢而正稅不充矣○遼渤海人高永昌殺其東京留守
 蕭保先自稱大渤海國皇帝據遼東五十餘州遼主遣其宰相
 張琳討之至瀋州女真遣兵來援渤海琳敗績乃以燕王溥為
 都元帥溥至乾州武朝彥等謀殺溥不克復召溥還既而女真

擊破渤海新高求昌其眾散為盜所至虜掠遼不能制
 政和七年春二月以童貫權領樞密院事○茂州夷寇邊
 華被金狄之教遂懇上帝願為人主令天下歸於正道卿等可
 上表章策朕為教主道君皇帝止用於教門等詔王黼蔡攸盛
 章等至宣和殿觀神霄降臨醮作記上之○五月詔玉虛殿上
 皇地祇徽號祭地于方澤○六月改節度觀察留後為承宣使
 ○兩電大如拳或似一升器物兩特而止先是夏雨有二魚落
 殿中省聽屋上人皆異之上以釋教經六十卷內惡說毀詞詆
 謗道儒二教命近臣於道錄院看詳取索焚棄此等偽造經文
 ○秋七月熙河環慶涇原地震旬日不止壞城壁廡舍居民壓
 死者甚眾○置提舉御前人船所先是諸路進貢繁多京請節
 其浮濫命內侍鄧文誥領之又詔不許用粮綱船且飛毀人墳
 墓及黃封帕蒙人園圃所植凡十餘事獨令朱勳六人用事勳
 由此授節鉞諸路紛擾以至大亂○八月鄭居中以母喪去位

至十一月居中起復太宰余深少宰○九月辛卯大饗明堂心
盜起淮西命內侍譚稹討平之○約宗室科條徒以下宗正訓
治徒以上制勅○十一月詔築京五日一朝○有星如月徐徐
南行而落光照人物與月無異○十二月天神降坤寧殿○修
神保觀其神俗謂之二郎神也都人素畏之自春及夏傾城男
女負土以獻名曰獻土又有飾作鬼使巡門催納土者人物絡
繚亦微幸以觀之或謂蔡京曰獻土納土非佳語也後數
日有旨禁絕○作萬歲山上之初即位也皇嗣未廣道士劉混
彙以法籙符水出入禁中建言京城西北隅地協堪輿倘形勢
加以少高當有多男之祥然命為數仞高阜已而後宮占熊不
絕上甚喜於是崇信道教土木之工興矣一時佞倖因而逢迎
遂竭國力而經營之至是命戶部侍郎孟揆築土增高以象餘
杭之鳳凰山號萬歲山後因神降有良嶽排空之語因名良嶽
宣和四年始告成御製記文凡數千言六年有金芝產于萬歲
改名壽嶽門號陽華入門兩旁有丹荔八十株大石曰神運

切者立其中旁有兩檜一偃蹇者名曰卧龍伏雲之檜皆三
牌填金字書之巖曰玉京獨秀太平巖峯曰卿雲萬態奇峯又
有絳霄樓金碧相間勢極高峻在雲表盡工藝之巧無以出此
運四方花竹奇石積累二十餘年山林高深千巖萬壑麋鹿成
羣樓觀臺殿不可勝計○宣和中太學生鄧肅進十詩諷諫末
句云但願君王安百姓圖中何日不春風時朱勔以花石綱媚
上東南騷動故也上即宣取時皇太子在側上曰此忠臣也蔡
京奏曰今不殺肅恐浮言亂天下上不荅即詔放歸田里靖康
初召為鴻臚簿



朝散郎尚書禮部員外郎兼御史院編修官李燾經進

宋徽宗二

重和元年春正月御大慶殿受定命寶初八寶既備上曰
 八寶者國之神器也今再初乃我受命者也其文曰範圍天地
 幽贊神明保合太和萬壽無疆○二月夏人寇邊將官張迪死
 之○初通使女真約夾攻遼去夏有漢兒高藥師者泛海來言
 女真攻遼事登州守臣王師中以聞因命師中募人同藥師等
 齎市馬詔以往而不能達繼遣馬政同藥師由海道入蘇州至
 其國阿骨打及粘罕等呼郎君問遣使之由政對以貴朝在大
 宋太祖皇帝建隆二年時遣使來責焉今主上聞貴朝攻陷契
 丹五十餘城復通前好欲與貴朝共行弔伐雖本朝未有書來
 若允許後必有國使來也阿骨打遣渤海人李善慶生熟女真
 二人齎國書并北珠生金貂子等來童貫嘗與熙河鈐轄趙隆
 燕雲事隆極言不可貫曰君與此當有異拜隆曰隆武夫豈

取于賞以敗祖宗二百年之好異時費生雖萬死不足以謝天
 下○赦四川以城石泉增築九堡畢功又平綿茂州夷開拓甚
 廣故也○以蔡京子滂為宣和殿待制滂選尚康福帝姬駙馬
 都尉帶文階自備始○上親試舉人賜王昂以下七百八十人
 及第出身有差時皇子嘉王指赴廷對有司考為第一上不欲
 令魁多士升昂為榜首○淮南運使張根論東南諸路關乏之
 由遂及修造之後又言是花石綱之擾落職監信州商稅○前知
 峽州王宋資政殿學士劉禹唱曲歌謗訕諱逆案伏誅禹流
 瓊州○五月壬午朔日有食之○置經制司講畫諸路財賦○
 秋七月東南大水遣使賑之○九月辛巳大饗明堂○閏月上
 詔曰自頃庶事大臣以為可行朕采諸民多不謂便如拘白地
 與禁確貨增方田增酒價取醋息河北加折耗米東南水災皆
 培克苛削可即日罷之○蔡京以鹽法尚有未盡請改袋制且
 許所過指其稅袋制既與昔不同必使更買新鈔方帶給舊鈔
 號對帶法亦曰帶搭台權既出一日間入鈔者三十餘萬

大駭而後知搭帶之利也不一二歲又復為之商人每舉鈔行
零滯則貯積以待改法謂之越新鈔自是皆商大困○大內火
燬五千餘間時天大雨而火益熾上是夜微宿于外○錄國後
除封崇義公外以為長世世為宣義郎○冬十一月上御寶籙宮
變玉清神霄秘錄會者八百人凡天神降臨事蓋發端於王老
志而極於林靈素及為大會靈素講經擲高座上為設幄其側
靈素所言無殊絕者雜以滑稽俚語上下為大闕笑莫有君臣
之禮矣時道士有俸每一齋施動獲數十萬每一宮觀給由亦
不下數百千頃皆外蓄妻子置姬媵以膠青制髮美衣玉食者
幾二萬人一會殆費數萬緡貧下之人多買青衣幅巾以赴日
得一飫餐而視施錢三百謂之千道會云○十二月朔改元大
赦○安堯臣上言陛下臨御之初嘗下詔求言於是謬士效忠
而儉人乃誤陛下加以詆誣之罪使陛下負拒諫之謗故此年
天下杜口以言為諱乃者宦寺交結權臣共唱北伐而宰執以
下無一人肯為陛下言者臣謂塔然雲之役異時唇亡齒寒狼

于野心必伺吾隙而逞其所欲矣時謂其有沮大義請置諸法
上以言路久壅宜導以賞與補承務郎○十一月置裕民局○
女真阿骨打稱帝女真其初酋長本新羅人號完顏氏完顏猶
漢言王女真妻之以女生二子其長即胡來也自此傳二人至
楊哥太師以至阿骨打身長八尺狀貌雄偉沉毅寡言笑顧視
不常而有志有揚補者遼東人也勸阿骨打稱帝以其國產
金故號大金遣人請天祚求封冊天祚遣使備袞冕冊為東懷
皇帝

宣和元年春正月詔改佛號大覺金仙錄為仙人道士僧
稱德士行者稱德童而冠服之但道冠有徽德冠無徽又以寺
為宮院為觀亭改女冠為女道士為女德明年詔復舊○女真
使李善慶來詔蔡京童貫及鄧文誥見之諭以夾攻取燕之意
善慶等唯唯居十餘日遣趙有開馬政齋詔及禮物與善慶等
渡海聘之初趙良欲用國書而有開口女真之首正節度使用
詔足矣有開至登州而

色驢首而兩頰如魚頭色正綠頂有角極長於其際始分兩
歧有聲如牛後十日水至龍降後一夕五鼓西北有赤氣數十
道亘天犯紫宮北斗仰視星皆若隔絳紗方起時拆裂有聲然
後大發後數夕又作聲益大格格自久其發又猛而赤氣出西
北數十百道其中又間以白黑二氣然赤氣為多自西北俄入
東北又延及東南其聲亦不絕迨曉乃止。秋八月復鈔旁定
帖錢初元豐中議者謂民之買鹽輸納額官為之據官司亦利
其入遂有所謂鈔旁定帖錢至是諸路爭為應奉花木事轉運
李祉請復其法然息不過得利三分而朝廷許之。九月燕蔡
京保和新殿王黼童貫蔡攸等預為京等請見安妃許之酒行
無筭二鼓王等始罷京為記以進。道德院生金芝上幸觀焉
遂由景龍江泛舟至京第鳴鑾堂淑妃從上曰今歲四幸鳴鑾
矣賜京酒於是京作鳴鑾記以進初京侍上每進君臣相悅之
說於是上以修尚主而攸最親幸上時輕車小轎幸京第命坐賜
酒略用家人禮表謝有云主婦上壽請酬而肯從稚子牽衣挽

留而不却又曰輕車小轎七賜臨幸邸報傳之四方初上之微
行也外人尚未知因京謝表乃盡知攸進見無時便僻趨走或
塗抹青紅優雜侏儒多道市井淫靡浮浪之語以蠱上心妻朱
氏出入禁省攸加賜封子行誦中監寵信優其父京矣始攸
嘗勸上曰所謂人主當以四海為家太平為娛歲月能幾何豈
徒自勞苦上納其言遂微行都市妓館酒肆亦皆適幸正字曹
輔言上微行之失編管郴州政和以後上輕於出入巾裹乃衣
服獨喜同臣庶實欲為期門之事而死固皆為白星不施五彩
多為村居野店又聚野獸麋鹿駕鶴禽鳥數百千蹄跡徧滿苑
囿宣和間都下每秋風夜靜會飲之聲四徹宛若川澤陂野之
間識者以為不祥。冬十一月乙卯郊。

宣和二年春二月女真使同呼慶將其國書來請別遣使

通好因遣趙良嗣往猶以買馬為其實約契丹取燕雲舊
地策面約不實國書時安真出師三路攻遼國上京是夏良嗣
等青牛山追及阿骨打遂從至上京瀋陽城不旋踵而破與阿

骨打議約大抵以燕本漢地欲契攻契丹使女真取中京大朝
取燕京許之遂議歲賜良嗣初許三十萬而卒與契丹舊數良
嗣曰燕京一帶則并西京是也阿骨打亦許之遂以手札付良
嗣約以女真兵自平地松林趨古北口南朝六自白溝夾攻不
然即難依已許之約仍遣使奉國書略曰大金皇帝謹致書于
大宋皇帝闕下蓋緣素昧未致禮容酌以權宜交馳使傳趙良
嗣等言燕京本是漢地若許復舊將自來與契丹銀絹轉交雖
無國信諒不妄言若將來貴朝不為夾攻即不依得已許為定
具形弊幅莫諒鄙侒金使以九月至闕尋以馬政報聘國書略
曰大宋皇帝謹致書于大金皇帝遠承信介特示函書致罰契
丹逃聞為慰確示同心之好共圖問罪之師誠意不渝義當如
約已差童貫勸兵相應彼此兵不過關歲弊依與契丹舊數仍
約毋聽契丹講和○戶部尚書唐恪言汴渠之通自去秋絕不
至由王黼奪上供綱為應奉之用今珍異之物充於大臣之家
以奉上者曾未十一上以諭黼黼取下卸司運數以進恪言是

宋史卷一百一十五

五

應奉司綱在其中屬戶部者十之一二詔恪罷知滁州○夏
五月祭地○布衣朱夢說上書論宦寺之權太重竄池州○六
月蔡京致仕仍朝朔望時京子攸儵儻孫行皆至大學士視執
政而權尚帝女他至侍從者二十餘人尚方寶子無虛日厮役
皆至大官媵妾至封夫人然公論益不與而上厭之至是請老
詔京致仕依舊神霄玉京萬壽觀使○復元豐保甲舊制○秋
七月詔文臣非邊防勿起復○燕童貫第○冬十月戊辰朔日
有食之○梁師成累遷河東節度拜太尉時上留意禮樂符瑞
事師成善於逢迎凡御筆號令皆師成主之多擇善書吏習儀
奎畫外庭莫能辨王黼以父事之權勢熏灼嗜進者皆出其門
自稱蘇軾出子因訴于上賦之文復出入間○十一月余深諫
上以取闔中花菓之擾王黼曰此太平末事不足罷言者謂深
使曹輔言事深求退出知福州而以王黼為太宰○方臘反睦
州青溪有洞曰幫源廣四十里羣不逞往往雲集其窟臘家有
漆園時造作局多科須而西折苦花石之擾臘以妖術誘之

數日之間哨聚至數萬人遂以誅朱勔為名縱火大掠兩浙都
監蔡遵顏坦擊賊敗死遂陷睦州殺官兵千人於是壽昌分水
桐廬等縣皆為賊所據僭號改元永樂初臘之亂王黼方鏞張
太平惡聞有外寇至且峻責浙西提刑張旻勿張皇生事賊遂
不可制至連陷數州上大恐始遣譚稹討之稹逗留不進至三
年正月賊入杭乃改譚稹為兩浙制置使以童貫為江浙淮南
宣撫討方臘時北征事起陝西勁兵多聚輦下盡發以往上微
行送之握貫守曰東南事盡付汝有不得已者竟以御筆行之
四月童貫與王稟劉鎮兩路軍馬約會於睦歙間包幫源洞裏
表裏夾攻至是鎮與揚可世馬公直率勁騎奪賊門嶺平旦入
洞賊二十餘萬抗拒轉戰至晚大敗火其屋萬間稟斬賊五千
餘級鎮亦如之擒方臘并其親屬偽相侯王共三十九人奏捷
于朝臘破六州五十二縣殺平民二百餘萬王師自出至凱旋
凡四百五十五日臘至八月始伏誅尋赦江浙淮南等路改睦歙
一州為嚴州徽州○十二月以陳過庭為御史中丞時睦寇猖

以過庭言致寇者蔡京養寇者王黼竄二人則寇自平又言朱

正典刑以謝天下時論譴之○盜宋江犯淮陽及京西河北
至是入海州界知州張叔夜設方畧討捕招降之

宣和三年春正月復熙豐舊制乃大赦六年禁衛改元豐
法制者以不恭論○蘇杭造作局諸色匠人日役數千而財物

所須悉科於民民力重困至是以方畧亂浙西悉詔罷之○二
月罷花石綱初江淮發運司於真揚楚泗各有轉般倉綱運綱

運兵士各有地分每舟虛二分容私商以利舟又載鹽回運兵
士稍便之後以發運司舟船撥充御前綱以載花石而轉般倉

廢矣綱多重載不容私商又益法變更無回運舟兵苦之多逃
亡而為盜至是禁般載花石使之般運糧道○三月親試舉人
賜河漢以下六百餘人及第出身有差詔梁師成下使臣鄧宏
曹組赴殿試賜同進士出身○是春日有青忽青黑無光其中
洶洶而動若鉅金而湧海狀日旁有青黑正如水波周回旋

皇太后是時睦賊未平人多憂之○夏四月貴妃劉氏薨
明節皇后劉氏本酒家保女也性穎悟能迎旨合意林靈素
以不道得幸請上為長生帝君謂劉為九華玉真安妃每神霄
降必別其去安妃位○五月金使來謂國子司丞權邦彥內侍童
師禮館之未幾傳旨曰違人已知金人海上往還難以復如前
議諭金使令歸邦彥驚曰如此則失其歡心曲在朝廷矣復奏
言曰倭意責回議之使留三月餘卒以國書付使人歸國更不
言起復阿骨打意朝廷絕之乃悉師趨遼中京○中丞陳過庭
元官之以御前使喚為名者京西轉運張汝霖請罷進花
言臣累奏士大夫抑損應奉意在妄為譏謗望特置應奉一司
臣專總領以杜姦謀從之仍令梁師成總領於內乃奪發運漕
輒之卒以自用四方珍異之物充初二人之家而入尚方者纔
一每陪扈曲燕至為供優鄙賤之技以獻奕取容○六月河
恩州○黑管出洛陽京畿忽有物如犬其色黑不能

眉目夜出掠小兒傷食之如是二歲乃息○秋八月童貫進

師譚積加節度未幾復領陝西兩河宣撫○諸路湟

宣和四年春正月加梁師成開府

內侍宦誦之家臣自古無賜坐者其在禁中則不可知外庭
未嘗見也時童貫為太師領樞密院視宰相師成為開府亦
視宰相每春秋大燕輒然坐於執政之上與人主講勸酬之
禮且家臣為師傅於義尤恃貴以領樞密日與宰相同班進
呈畢即自屏後入內易窄衫與群臣為伍出則為大臣當體
貌之禮入則為近侍執使令之役古所未有也

二月雨雹○三月幸秘書省大學○金人陷遼中京先是天祚

有四子長趙王次晉王次素王次許王晉王有人望秦王母元

妃之兄蕭奉先慮素王不得立密圖之會豐山母文妃姊適耶

律持昌里妹適余觀繼昌里妻嘗過余密告其結余

觀將立晉王母天祚為太上皇

獨留晉王余觀懼殺歸女真

非其罪天祚率騎兵五千奔雲中... 守燕天祚至雲中遂取馬三千匹入夾山李處溫及都統蕭幹... 挾怨軍謀立淳淳即位於燕號天錫皇帝改元建福降天祚為... 湘陰王淳主燕雲平上中京遷西六路而沙漠以北諸蕃部天... 祚主之遼國自此分矣金人追至雲中蕭查剌降進追天祚幾... 及凡輜重及其幼女皆俘獲之耶律淳既立遣使來告謝上以... 天祚在夾山淳安得擅立今雄州却之至五月耶律淳死蕭幹... 與大石林牙立淳妻蕭氏為太后改元德興八月阿骨打追襲... 天祚于圍崖擒其都統蕭規天祚脫身去及夏國引兵數萬襲... 天德軍阿骨打遣偏師七十擊破之於是乘勝遂因秋成並邊... 興兵屯奉聖州之東夏四月下詔復幽燕故地遂遣童... 貫勒兵十五萬巡邊收副之仍以三策付貫如燕人悅而取之... 因復舊疆上耶律淳納款稱藩次也燕人未復按兵巡邊下也... 八月童貫至高陽關駐軍用知雄州和詵計降黃榜招諭若有... 降以燕京來獻除節度使遂令神師道總東路之兵屯白溝

興宗總西路之兵屯范村耶律淳遣大石林牙領一千五百

人騎屯海之新城貫遣張寶相忠諭耶律淳舉國內附淳執二... 人斬之又遣馬廣齋軍書入燕大石林牙謂其使人王介儒曰... 過河語童貫欲和即還作善報不和請以兵相見前軍統制以... 輕騎數千過界趨蘭溝旬為大石林牙所掩被傷而退淳益兵... 二萬遣蕭幹統之將渡白溝河請將皆欲迎敵師道以貫約不... 可妄聽乃止翌日虜來大兵堅壁不動而退蕭幹迎戰於范村... 興宗遣揚可弼救之仍自督戰虜乃却凡駐十二日乃還師退... 雄州虜至城下曰女真之叛本朝亦南朝之所甚惡也舍此不... 圖而欲射利棄好結豺狼之禍甚惡也日之禍謂為得計可乎貫... 遣參議官劉翰議再修好上曰師道遠詔班師貫之遣也鄭... 若中力陳不可又謂東京... 宋昭王書言遼國不可攻金人不可... 中國意乞許王... 以和解之說

以和解之說... 宋昭王書言遼國不可攻金人不可... 中國意乞許王... 以和解之說

朝退至殿門於宰執閣子階下相揖捲簾二三尺以為禮休以
 隨龍人不數年至大尉至是又加開府恩比宰相每遇王黼於
 路則分道而行傳呼相揖故事盡廢矣○秋七月初收經制錢
 帳又占雲中忽聞童貫舉兵恐南朝遂取燕京則歲賂不可得
 乃遣使來烏歇等奏聞貴朝大兵厭境不報本國故遣臣夾聘
 趙良嗣答曰聞貴朝取西京雖不得報已令童貫舉兵以應夾
 攻之約彼此不報不足較也烏歇等又詣王黼第計事面投回
 書良嗣曰縱不朝乘勝下燕亦與已許歲幣初不必計先後也
 而以良嗣報使馬攝副之○初貫收回軍至河間但招集亡潰
 真保雄州而已忽知中山府摩度奏耶律淳死燕人有越境而
 至者王黼有請于上詔貫彼無歸異議者斬召諸道兵二十萬
 復用种師道為帥師道力辭又遣堂曰太祖嘗出收燕山圖示
 普普曰此必曹翰所為然翰能以之陛下使誰守之太祖遂
 入如師道非才官敢望翰今朝廷謀帥設有郊翰者又

守之於是師道以避事落節度而更以劉延慶為都統制
 九月會一關屬蕭后專政契丹恐漢人應南軍將謀殺之時
 管常勝軍郭英帥有意歸朝而四軍蕭幹聞王師再壓境忽自
 燕來尋藥師誘幹降而幹不從藥師遣使奉表以涿州來降時
 高鳳亦以易州來歸童貫自河間復回雄州時已在道藥師至
 受之以其軍八千并易州義兵五千並隸劉延慶為鄉導軍聲
 大振蕭后遣蕭容韓防來奉表稱潘復祝副本止云納欵稱臣
 揮之而去曰須納土乃受冬十月劉延慶郭藥師等自雄州趨
 新城劉光世揚可世自安蕭軍出易州遂會于滹時兵眾五十
 萬進駐盧溝河契丹四軍蕭幹亦於燕城十里外築壘相拒日
 遣騎渡河擊我藥師言遼以全師抗我則燕城必虛宜遣輕騎
 襲之乃選常勝軍并西兵五千騎襲燕城以入藥師遣
 人諭蕭氏使降不從我師與蕭幹至晚不解蕭幹回兵救燕人
 皆死關藥師累敗奔門不得出盡棄馬器械城而下死者過半還
 者數百騎而已時大軍屯盧溝河蕭幹未動而蕭幹兵纔數千得

漢兩人留帳中夜半為相語曰聞漢十萬吾師二倍當分左右
翼以精兵衝其中舉大為應賊之無遺除逸一人歸報衆軍遂
潰自相撓踐而死幹遣騎來追至涿水北而還童賈蔡攸再舉
不能下密遣其客王壤由飛狐路約阿骨打以下燕十二月阿
骨打分三道進兵粘罕趨南隘口撻懶駙馬趨北牛口阿骨打
趨居庸關馬擴隨軍行阿骨謂擴曰我初聞南軍到盧溝有入
燕者我心亦喜將欲軍歸國却聞劉延慶一夜燒焚而遁何至
此耶一兩日聞到關汝觀我家用兵有走者否契丹聞阿骨打
至奔關而遁遂入居庸關軍皆奪食時到燕蕭氏聞居庸失守
夜率蕭幹等出奔行五十里金人遊騎及城統軍蕭乙信開門
納之宰相以下皆降蕭氏奔夾山阿骨打遣五百騎送馬擴歸
朝獻捷○金使來議割燕山地而平灤營三州不許至是趙良
嗣馬擴至奉聖州國相蒲結以往歲不遣報使今歲出兵失期
言云公更不論元約特與燕京六州二十四縣良嗣答以元
山前山後十七州今乃如此信義安在辨論數四卒不從於

以國書付良嗣等使與其使偕來○十一月庚午郊○是歲
麗王俱死子偕嗣位

宣和五年春正月金使李靖玉度刺撒母與趙良嗣偕來
金主謂燕京用本朝兵力攻下其租稅當還本朝上意以銀絹
代之靖復請歲幣上亦特許遂命良嗣再使求平灤地阿骨打
曰平灤欲作邊鎮不可得也遂議稅租阿骨打曰燕租六百萬
貫止取一百萬不然還我涿易舊疆良嗣曰本朝自以兵下涿
易夫復何言御筆許十萬至二十萬不敢擅增良嗣等留雄州
以國書通奏詔復遣良嗣再使代稅之物悉從來諭遂許以遼
人舊歲幣四十萬之數外每歲更添燕山涿易順景擅薊六州
代稅錢一百萬緡金人既得所欲乃許三月金使寧述割王度
刺撒母盧持誓書草來且言金主許還兩金日求犒馬物二十
萬而國書并誓書乃無一語及西京者蓋良嗣與寧述割欺罔
之言乃遣兵部侍郎盧益持誓書通文於京日子盧益等至燕
山先索犒師金帛乃得見元帝帝見其書不悅

凡改更三四王黼皆由意從之且索燕人趙溫訊李處能來歸者宣撫司縛溫訊與之其志愈驕矣至夏月遣楊璞以誓書及燕京涿易檀順薊景六州來自索米二十萬石上遣童貫察攸入燕先曰交割後曰撫定燕之金帛子女職官民戶為金人席卷而東而宋朝捐歲幣數百萬所得空城而已拙罕猶欲止割涿易阿骨打曰海上之盟不可忘也我死汝則為之時左企弓為金人謀嘗獻詩勸君莫惜捐金議一寸山河一寸金故金人邀求不已宋朝曲從所請乃許之○赦兩河燕雲路時習趙良弼虛辭謂虜許我雲中故曲赦併及山後云○後以王安中知山府詹度郭藥師同知藥師以節鉞欲居度上度稱御筆所有序藥師不從兼常勝軍橫盛度不能制朝廷恐生變九月度知中山府蔡靖兩易其任

燕山之地易州西北乃金坡關昌平之西乃居庸關順州之北乃古北關景州東北乃松亭關平州之東乃榆關隴關之乃金人之來路凡此數關蓋天所以限蕃漢也一夫守之

以當百宋朝之割地若得諸關則燕山之境可保矣然關內之地平灤營二州自後唐為契丹陷之後改平州為遼興府以營灤二州隸之號平州路石晉以燕山諸郡路契丹又改為燕京路則與平州為兩路矣始宋朝自海上議割地但云燕雲兩路而已北平灤所以有辭也金人既據平州則關內之地蕃漢雜處故幹離不入寇至自平州由當時議割地不明地理之誤也

五月王黼加大傅總治三省事○金太宗吳乞買立大相大相大為天會元年○遼張毅以平州來降毅知契丹必亡籍丁壯五萬以為備金人既下燕使參政康公弼諭意毅曰契丹入路今特平州存耳敢有異志所以未釋甲者防蕭幹爾公弼以語粘罕遂改平州為南京加毅同平章事至是吳乞買新立遂遣左企弓等歸時燕民患遠徙私謀於毅曰企弓不謀守燕而使吾民流離至此近聞天祚復振若明公代議首圖與復先責企弓等罪而殺之縱燕人歸商

之兵外借南朝之援何懼乎毅召李石問之石以為然遂殺企
石石與高獲詣燕山說王安中曰平州形勝之地張毅總練之
才足以禦金山安燕境宜招致之安中送石復赴闕改石名安
弼復名彥文趙敏修者乃遼相李處能也三八與王黼白事多
從之張毅又遣其弟來通款乃授毅節度世襲平州惟趙良嗣
以為不可恐必招女真之兵而時相不從金人聞毅叛遣兵討
之毅率兵迎拒金人以兵少而退大書州門有今冬復來之語
至冬十一月金人以千騎破平州得宋朝所賜毅詔毅走燕山
自是金人歸由宋朝累擢宣撫司取毅乃命王安中縊殺函首
送之未幾金太子窩里亭由平州路入寇矣六月加朱勳節
度秋七月音賈致仕賈攸歸自燕山頭失上意王黼染師成
與薦譚稹為宣撫副使賈尋命致仕譚稹為宣撫副使仍駐
山東然金人以燕山地要害實不我與但浮沉其辭而我之使
昧利貪寵欺誑朝廷因是日生希觀出師至太原會兵乞買
土猶未暇治山後故朔州韓正應州蘇京蔚州陳棚皆通款

以稹即除官尋遷少保詔毀蘇軾司馬光文集板已後舉

晉元祐學術者以違詔論明年又申嚴之八月辛巳朔日

陰雲不見遼將與離不中擬奚王府自立為神聖

皇帝國號大奚改元天嗣時奚人飢幹出盧龍潰攻破景州又

敗當勝軍於石門鎮陷薊州寇掠燕城其鋒甚銳有涉河犯京

師之意人情洶頗有謀棄燕者童貫自京師後文王安中鄭

藥師切責之已而安中命藥師大破其衆幹遁去為其下所殺

傳首京師冬十月雨木水十一月詔國子監刊御註冲

至德真經南華真經頌之學者幸王黼等觀芝黼專結

成既為相再賜第於城西開便門與師成宅對街以相往來

燕王告功黼益得志乃妄言家之屏風生五之請上臨幸

幸黼第又自便門過師成復來黼家慰問因觀芝黼自此傳言

支賜命又散侍從百官於是禁衛諸將百等顯見上始謝恩不

肯散因大詢訪師成譚稹乃共持上出撫諭之諸吏直稍定已

而復入夜漏下五刻乃聞過龍德殿下墻所謂鹿塞門者

選內官十餘人執兵衛之而去三橋衛士無一人得入者是夜諸班禁從皆集教場備不虞殆半曰人心甚安

宣和之臣昧利貪寵欺誑朝廷諂佞成風竊取威福不能致天下於平治而逢君之惡者首則有蔡京繼則有王黼梁師成之徒危人家國可勝誅哉

十二月金使初來賀正○譚稹奏常勝軍必橫乞別招一軍以分其權得五萬人號義勝軍

宣和六年春正月御樓觀燈忽有人躍出墨色布衣若寺僧童行狀以手畫簾出指斥語上怒甚命中使傳旨治之董掠

亂下又加炮烙略不語亦無痛楚之狀又斷其足筋俄施刀鬻血肉狼籍上大不悅為罷歡竟不知何人明年八月有都城東

門外鬻菜夫至宣德門下忽若迷因釋荷擔向門擊手而言曰壞吾社稷矣太祖皇帝神宗皇帝使道尚宜速改也邏卒捕

開封獄一夕方省則不知向所云為者乃於獄中盡之○置書燕所生徒以五百人○二月陳瓘卒於楚州蔡京知

待之加禮瓘不肯附麗恬於進取雖諸公交薦遠居言職疏姦惡雖死不避也○閏月京師河東陝西地大震去冬及

一月地震至是又震宮中殿門皆搖動且有聲河東陝西尤甚蘭州地及諸山草木悉沒入而山下麥苗乃在山上乃遣右司

郎官黃潛善為察訪因按視焉及歸圖進曰震而已所傳則非也上意遂安潛善又以迎合銅錢事除戶部侍郎○夏四月親

試舉人賜沈晦以下八百人及舉出身有差時內侍梁師成益通賓客招賂賂士人納錢數千緡即令赴廷試以獻頌上書為

名而官之至百餘人○五月金使來告嗣位以著作郎許亢宗為賀嗣位使金國無城郭宮室就以所居館燕悉用契丹舊禮

如結綵山作倡樂擊幢角觥之伎闖雞擊鞠之戲與中國同但於眾樂後飾舞文數文器手持鏡上下類神祠中電母所為者

莫知其說其國茫然皆妄會以居屋是方營大屋數千間日役萬人規模盡倣中國所為亦宏侈矣○六月林堯夫鑄燕城常勝軍五萬成兵九千月給糈十餘萬石而地無不與焉故恐

河東山東民力以饋給之率費十餘石至二十石始能致一石於燕山三路俱困上殊不樂欲罷王黼黼作免夫之令冀得以久其糧乃措置調夫京西八萬淮南四萬兩浙六萬五千江南九萬七千福建三萬五千荆湖八萬八千廣南八萬三千四川十七萬八千並納免夫錢每夫二十貫編率天下所得纔二千萬緡而結怨四海矣○秋七月置璣衡所以王黼總領梁師成副之○金人攻陷應蔚等州先是金人以納張穀屢出怨言又於三月來宣撫司索所許糧二十萬斛譚稹曰宣撫司未嘗有許糧之文其使曰去年四月間趙良嗣已許矣稹曰良嗣口許豈足憑耶終不之與金人怒及舉兵亦以此為辭遂攻應蔚遂守臣蘇京殺陳翊又陷飛狐靈丘兩縣絕山後交割之意以罪稹措置事方詔落太尉致仕

金人自滅遼駭駭有虎視中原之意而朝廷不知唇亡齒亡一不為備而反罕辭厚幣以貸燕之地觀其金帛子女席而東以空城與之其意亦可見矣金之欲滄海而無其繫

有納張穀之降絕借糧之請而得以歸曲於我此皆君臣闇昧而狂虜得逞其志也

童貫落致仕仍領樞密院事河東北燕山路宣撫使是時遼王天祚在夾山上欲誘致之始遣一番僧齋御筆縮書通意及大祚許歸則易書為詔待以皇弟之禮位燕越二王上築第千戶女樂三百人天祚大喜貫之是行名為代積交割山後土地其實已約天祚來降自往迎之也是冬貫遣馬擴辛興宗使粘罕軍至雲中會粘罕已歸國留兀室權元品責以庭參禮卒不相見第使高慶襲傳言以朝廷先遣誓書以納叛亡雖山後亦許難以便交擴歸告貫以虜情不測乞速改召邊備貫不之信

宋之於遼歡盟義久天祚嘗私謂左右曰若女真必來吾與南宋為兄弟真國為甥舅何憂哉宋皇陵海陵女真盪夾攻天祚謀復燕雲可謂失計矣至是而天祚未知天祚能南歸乎適足以激金虜之怒而天祚相九月以白時中為大宰

以父事梁師成稱恩府先生... 始悟其交結狀乃拔時中邦彦以分其權而師成亦然初... 欲大用彼因曰蔡六豈堪作相彼遂落節鉞仍領樞密院事... 十一月王黼致仕... 罷應奉司... 十二月詔以法式滋多流品... 京領三省事時盜賊日熾內外箝匱上意大不樂中宮贊上召... 故老大臣遂決意起京上又恐京年高不能朝參遂命其子條... 以時入對殿庭傳道君臣之意而彼以第條鍾愛於其父因條... 私撰西清詩話專宗蘇黃為言者所論彼白上請殺之上憫京... 老不許止落職勤侍仍詔毀板由是京父子遂為仇敵... 童貫... 欲收復雲中以奏議來京主其說右丞宇文粹中對以虜誓書... 有俟擊天祚五七年後徐議之說恐今與兵則繫端啓其議遂... 已... 兩京河浙路京師災異疊見都城有賣青菓男子孕而誕... 辱母不食收易七人始免而逃去又有酒肆號豐樂樓酒保... 比子其妻年四十餘忽生鬚髮... 僅六七十... 疏秀其妻死然



九子詔度為女道... 是歲河北山東盜起... 內侍梁方平... 之時轉糧以給燕山民力疲困以鹽額科斂加之連歲... 以食榆皮野粟不給至自相食於是飢民並起為盜山東有張... 仙者眾十萬張迪者眾五萬河北有高托山者號三十萬自餘... 一二萬者不可勝計也

宣和七年春正月遣使撫諭河北京東盜賊流民以洪中... 孚為宣諭使詔許招降中學急於成功奏請出降者復當年賦... 役軍士依元額收願削兵籍者聽其自便... 稅率伍有過竄... 盜中... 欲大名尹徐勣仁極言其弊... 中孚罷為宮觀... 金人... 天祚... 陰交山金人... 不能入恨其不出謂出必得之天祚亦以畏粘罕兵在雲中故... 不敢出至是聞粘罕歸其以元室代成雲中... 使... 諸軍五... 萬并携其后妃二子秦趙王及宗... 南... 大石... 牙... 諫之不聽... 遂越漁陽嶺而粘罕已回雲中... 故... 人... 敢又畏中國不可... 仗乃謀奔西夏未至金人... 人... 長白山築城居

之踰年卒遼國遂亡○燕山禮慶自京師輸米五十萬斛以濟
 之○罷京東西弓箭社先是宣和四年梁揚祖請置社既而邀
 功者取五等之籍悉入之民不堪擾滋起為盜故臣僚請罷之
 ○三月朔雨雹○夏四月蔡京致仕○六月封童貫廣陽郡王
 宋朝異姓非外戚無封王者蔡京用事持紀述之說以資姦謀
 遂贈王安石舒王其後何執中贈清河郡王及賞童貫燕山功
 遂生封廣陽郡王王爵於是濫矣○劉安世卒安世從司馬光
 學初除諫官懼禍以母老辭母曰天子諫臣當捐身報國若得
 罪流竄母問遠近吾當從汝所之於是正色立朝面折庭諍或
 逢盛怒則執簡却立俟天威稍霽復前抗辭時目曰殿上虎梁
 師成使吳默持書來唱以即大用默固勸為子孫計安世笑曰
 吾為元祐全人見司馬光於地下又可破我乎蘇軾曰器之真
 漢漢云○七月熙河東路地震有裂十數丈者蘭州尤甚倉
 皆沒河東諸郡地震或裂○有狐升御榻而坐詔毀狐王廟
 一月丙戌郊上纒下壇而虜將入寇左右祕之不以聞恐

○謝○十二月金人分道入寇東路之軍歸離不主之建樞
 院於燕山以劉彥宗主院事西路之軍粘罕主之建樞密院
 於雲中以時立愛主院事虜人呼為東朝廷西朝廷於是離
 不之軍自燕山直犯河北粘罕之軍寇河東陷朔武代忻等州
 且趨太原先是金人既獲天祚連遣三使來聘初日報謝通好
 也次日告慶得天祚也又次日賀天寧節也使傳繼來河朔至
 京供億疲弊而虜亦因以覬覦道路使我不知及三使北歸
 禮部郎中陳楠為送伴使至境上已宣言大舉公為掠奪無常
 儀稱懼馳還時粘罕已嘗南伐之謀會義勝軍二千叛奔之具
 言中國虛實又易州常勝軍五百人亦叛歸粘罕由是劉彥宗
 余觀蕭慶力勸言南朝可圖仍不必慮因糧就兵可也粘罕遂
 決意入寇然尚未顯然諭邊境○命吏部員外郎傅察為接伴
 賀正旦使行至境上使諭察不入○命遂執察責令投拜自副
 使蔣噩以下皆羅拜臣服察獨不屈命人以兵脅之察以不顧
 大為曰我以南朝天子文節使來中使察曰請欲殺我以此為

然自古之戰以曲直為勝負南北敵國亦安知爾非迷
死哉我惟有死而已勝不可屈也大酋怒執而殺之陷檀州薊
州黃貫復宣撫自太原逃歸始金人遣李用和來告慶給言
于上曰願詔黃貫至河中當授以雲中之地雖謀言不一而信
之不疑詔貫再行宣撫貫至太原遣馬擴辛興宗往使且交蔚
應州及飛狐靈丘縣還金國擴等至境粘罕嚴兵以待止許吏
卒三人從趙擴等庭參擴等力爭不可皆拜之如見金主禮首
議山後事粘罕曰大聖皇帝初與趙皇跨海交好各立誓書萬
世無斃不謂貴朝陰納張欽收燕京逃去官民本朝累牒追還
第以虛文見給今當略辨是非擴曰本朝緣譚稹昧大計輕從
引穀之請上深悔之願相國存舊好不以前事置懷乞且交蔚
應州飛狐靈丘兩縣粘罕笑云爾尚欲兩州兩縣耶山前山後
一家地尚復奚論汝家別削數州來可贖罪擴自雲中回至
原具以粘罕所言告貫貫驚未幾金使撒盧王介儒來且
心穀渝盟其國已興兵擴曰兵凶器天道厭之况南朝百年

示之國若稍飭邊備豈能遽侵撒離朮曰國相若以貴朝為
悍則不敢長驅矣莫若勸童大王割河東河北以大河為界
存宗社也貫聞之憂適不知所為即與其屬宇文虛中等道
請大原帥張孝純諭意孝純曰金人渝盟大王當會諸路將
極力支吾今大王去人心搖是將河東與賊河北亦豈能保貫
恣目曰貫受命宣撫非守土臣必欲留貫置帥臣何為孝純撫
掌嘆曰平時童太師作多少威重臨軍乃畏怯如此身為大臣
不能以死排難止欲垂頭鼠竄何面目見天下士貫惘曰此行
金人渝盟上之所恃者童貫而已貫先逃歸國何賴焉貫本
庸繆因京為助遂握兵權夫以師之耳目在大將旗鼓進退
從之勝負係焉貫身去敵常數百里是致將不先敵士不用
命屢見敗衄貫之再行纔見屢勢披猖即行退遁誤國之罪
莫大於此觀孝純之言忠憤貫曰月其許國之心亦見於此矣
幹離不軍至燕山府知府張瑄命藥師欲令徽出門為備藥師
戰于三河令徽遁歸藥師曰誓死報國此何言哉引



兀室余觀曰今日至代州必有數戰成敗未可知直至代州
並無一戰夫何代州三日而陷石嶺開關以迎金兵如入無
人之境直趨太原粘罕始有易中國之心矣會中原久不知
兵內無賢相外無猛將束手無措坐視中原淪於夷狄生靈
塗炭可勝哀哉

韓離不犯慶源府其太史曰帝星復明大驚欲回郭藥師曰商
朝未必有備不如姑行道出陽武縣知縣蔣興祖兵力不敵死
人攻陷信德府執守臣楊信功○罷花石綱及非泛上供并延
四宮西城租課內外製造局○童貫得虜謀及開折乃檄書其
口不遜貫初匿不以奏李邦彥謂不若以檄書進呈書上乃下
罪已求言○太學生陳東等伏闕上書數蔡京童貫王黼梁
以李彥劾之罪拍為六賊乞誅之以謝天下○庚申上內
以道君號退居龍德宮皇太子即皇帝位○大赦○立妃朱
皇后○李鄴使金虜告內禪且求和○門下侍郎吳敏薦
綱入對綱奏撫敵固守之策且請急召諸路軍馬以壯京
議出征又言國家敦示和好歲幣犒師之物當量以與之
疆土則祖宗之地子孫當以死守不可以尺寸與人願陸
忠憲母為浮議所播上嘉納除兵部侍郎

佩刀欲自刎衆共抱持之未幾幹離不至藥師迎降金人執靖
及都轉運使呂頤浩置軍中初蔡攸童貫力主藥師謂可任邊
事楊時雍得其通金人書繳上之亦彙有告變者皆不省至是
果叛報至京師時方議封藥師燕王張徽令邵王割燕地與之
世守而燕陷矣幹離不留請守燕而引兵向關以先驅攻保州
安肅軍不克圍中山府詹度禦之○粘罕兵至朔州守將孫翊
出戰勝負未決義軍開門獻其地進至武州義軍亦爲內應遂
失朔武長驅至代州李嗣本率兵拒守義軍擒嗣本以降安撫
使史抗父子迎戰死都巡檢李翼屯崞縣拒戰不屈將吏皆遇
害金人至忻州守臣賀權開門張榮以逐之粘罕大喜遂下令
不得入城遂距石鎮關太原帥張孝純以冀景守關景辭不許
命耿守忠以本部八千助之守忠至關開關以獻景奔還粘罕
引兵圍太原知朔寧府孫翊來救兵不滿二千與金人戰于
卜張孝純曰賊已在近不敢開門觀察可盡忠報國翊曰但
不少爾乃復引戰金人大沮粘罕再益兵力不能敵翊死焉

騎肯降

至人以幹離不據燕山以圖入攻河北以粘罕據雲中以圖
入攻河東然粘罕不敢由太原深入而幹離不越三鎮直犯
葦藪者何哉蓋是時河東邊外雖得朔武蔚應四州而未盡
得雲中之地故舊邊雖不失備粘罕所以不敢輕犯鴈門石
鎮之險越太原之重地也河北邊外宋朝便以燕地爲新邊
竭舊邊之力以禦之故新邊一失舊邊亦莫之禦也由是幹
離不乘隙可入焉始粘罕幹離不分路以圖入攻河東河北
而已非有直造京闕之志以粘罕之雄尚且遠遣撒母使夏
國許割地以爲牽制猶不敢輕舉况幹離不才居粘罕下豈
敢直越大河以犯宋闕耶實藥師有以告之以童貫重兵在
并州粘罕由雲中入侵必與之相持今京畿內虛河朔無備
可因粘罕以爲牽制也故幹離不信而行之是歲入侵中原
功居粘罕上其爲藥師之謀明矣○粘罕自雲中由懷仁河
陰將侵代州之境虜家計其難取分兵由胡谷寨入焉其徒